

তৃতীয়ঃ পাঠঃ

লিঙ্গপ্রকরণম্

সংস্কৃত ভাষায় লিঙ্গ তিন প্রকার- পুংলিঙ্গ, স্ত্রীলিঙ্গ ও ক্লীবলিঙ্গ। সাধারণত পুরুষবাচক শব্দ পুংলিঙ্গ। যেমন- বালকঃ, নরঃ, পুত্রঃ ইত্যাদি। স্ত্রীবাচক শব্দ সাধারণত স্ত্রীলিঙ্গ। যেমন- বালিকা, নারী, দেবী, স্ত্রী ইত্যাদি। যে শব্দ দ্বারা পুরুষ বা স্ত্রী কিছুই বোঝায় না সাধারণত তা ক্লীবলিঙ্গ। যেমন- জলম্, ফলম্, পুষ্পম্ ইত্যাদি।

তবে সংস্কৃত ভাষায় সব সময় অর্থ দেখে শব্দের লিঙ্গ নির্ণয় করা যায় না। দার, ভার্যা ও কলত্র- এই তিনটি শব্দের একই অর্থ 'স্ত্রী', কিন্তু 'দার' পুংলিঙ্গ শব্দ, 'ভার্যা' স্ত্রীলিঙ্গ এবং 'কলত্র' ক্লীবলিঙ্গ শব্দ।

পুংলিঙ্গ

- ১। দেব, দৈত্য, স্বর্গ, গিরি, সমুদ্র, যজ্ঞ প্রভৃতি শব্দের পর্যায়বাচক শব্দগুলি পুংলিঙ্গ। যেমন-
ক) দেববাচক : দেবঃ, সুরঃ, অমরঃ ইত্যাদি।
খ) দৈত্যবাচক : দৈত্যঃ, অসুরঃ, দানবঃ, রাক্ষসঃ ইত্যাদি।
গ) স্বর্গবাচক : স্বর্গঃ, ত্রিদিবঃ, দেবলোকঃ, সুরলোকঃ ইত্যাদি।
ঘ) গিরিবাচক : গিরিঃ, পর্বতঃ, শৈলঃ, নগঃ ইত্যাদি।
ঙ) সমুদ্রবাচক : সমুদ্রঃ, সাগরঃ, অর্ণবঃ ইত্যাদি।
চ) যজ্ঞবাচক : যজ্ঞঃ, যাগঃ, মথঃ, ক্রতুঃ ইত্যাদি।
- ২। দেবগণের নামও পুংলিঙ্গবাচক শব্দ। যেমন- অগ্নিঃ, বিষ্ণুঃ, ইন্দ্রঃ, শিবঃ, গণেশঃ, মহেশ্বরঃ ইত্যাদি।

স্ত্রীলিঙ্গ

- ১। আ-কারান্ত, ঈ-কারান্ত ও উ-কারান্ত শব্দগুলি সাধারণত স্ত্রীলিঙ্গ। যেমন- লতা, শ্রদ্ধা, বিদ্যা, প্রভা, নদী, জননী, মহী, সরস্বতী, লক্ষ্মী, বধূ, ভূ ইত্যাদি।
- ২। ঋ-কারান্ত মাতৃ (মা), দুহিতৃ (কন্যা), স্বসৃ (ভগ্নী), ননন্দৃ (ননদ) প্রভৃতি শব্দ স্ত্রীলিঙ্গ। যেমন- মাতা, দুহিতা, স্বসা, ননন্দা ইত্যাদি।

ক্লীবলিঙ্গ

১। গগন, নয়ন, বন, কুসুম, ধন, অনু ও জলবাচক শব্দ ক্লীবলিঙ্গ। যেমন—

ক) গগনবাচক : গগনম্, অম্বরম্, নভঃ ইত্যাদি।

খ) নয়নবাচক : নয়নম্, নেত্রম্, লোচনম্ ইত্যাদি।

গ) বনবাচক : বনম্, অরণ্যম্, বিপিনম্ ইত্যাদি।

ঘ) কুসুমবাচক : কুসুমম্, পুষ্পম্ ইত্যাদি।

ঙ) ধনবাচক : ধনম্, বিভূম্, দ্রবিণম্ ইত্যাদি।

চ) অনুবাচক : অনুম্, খাদ্যম্, ভোজ্যম্ ইত্যাদি।

ছ) জলবাচক : জলম্, বারি ইত্যাদি।

২। যে-সব শব্দের শেষে 'অস্' থাকে, সেগুলি সাধারণত ক্লীবলিঙ্গ। যেমন— পয়স্, চেতস্, মনস্, বচস্, তমস্ ইত্যাদি।

সংস্কৃতানুবাদ

দেবগণ— দেবাঃ। দৈত্যদের— দৈত্যানাম্। দুজন অসুর— অসুরৌ। পর্বত থেকে— পর্বতাৎ। সমুদ্রগুলিতে— সমুদ্রেষু। যজ্ঞের দ্বারা— যজ্ঞেন। বিষ্ণুর— বিষ্ণোঃ। গণেশকে— গণেশম্। লতার— লতায়াঃ। বিদ্যার দ্বারা— বিদ্যায়া। ভার্যাকে— ভার্যাম্। সরস্বতীর— সরস্বত্যাঃ। লক্ষ্মী— লক্ষ্মীঃ। বধুগণ— বধ্বঃ। মাকে— মাতরম্। দুহিতার— দুহিতুঃ। জল— জলম্। অনু— অনুম্। গগন— গগনম্। খাদ্য— খাদ্যম্। চোখ— নয়নম্। বন— বনম্।

অনুশীলনী

১। সঠিক উত্তরটির পাশে টিক (✓) চিহ্ন দাও :

ক) দৈত্যবাচক শব্দ পুংলিঙ্গ / স্ত্রীলিঙ্গ / ক্লীবলিঙ্গ / উভয়লিঙ্গ।

খ) সাধারণত পুরুষবাচক শব্দ স্ত্রীলিঙ্গ / ক্লীবলিঙ্গ / উভয়লিঙ্গ / পুংলিঙ্গ।

গ) 'ত্রিদিব' শব্দ ক্লীবলিঙ্গ / পুংলিঙ্গ / স্ত্রীলিঙ্গ / উভয়লিঙ্গ।

ঘ) 'কলত্র' শব্দের অর্থ পুত্র / কন্যা / স্ত্রী / পিতা।

ঙ) 'বারি' শব্দ অনু / গগন / পুষ্প / জল শব্দের প্রতিশব্দ।

২। নিচের শব্দগুলির লিঙ্গ নির্ণয় কর :

স্বর্গ, পর্বত, জননী, ক্রতু, পুষ্প, বিদ্যা, বারি।

৩। কোন্ কোন্ শব্দ সাধারণত ক্লীবলিঙ্গ?

৪। স্ত্রীলিঙ্গ নির্দেশক দুটি নিয়ম উদাহরণসহ লেখ।

৫। পুংলিঙ্গ নির্দেশক প্রথম নিয়মটি উদাহরণসহ উল্লেখ কর।

৬। সংস্কৃত ভাষায় লিঙ্গ কয় প্রকার ও কি কি?

৭। সংস্কৃতে অনুবাদ কর :

দেবগণের। সরস্বতীকে। যজ্ঞের দ্বারা। বিদ্যা থেকে। জল। খাদ্য। চোখ থেকে। মাকে। বধূগণ।
বিষ্ণুর। সমুদ্রে। কন্যারা। গণেশের।

৮। বাংলায় অনুবাদ কর :

অসুরৌ, বিদ্যায়া, বিষ্ণুণা, ভার্যাম্, পর্বতাৎ।